



# PERSEVERA

Un página di kurashámentu i guia spiritual pa miembronan di Scouting Antiano



Desèmbèr 2011

Edishon 11 Aña 1

## Kerst gevoel in mijn hart

Onze boom gezet met vlijtige handen, met heel veel lichtjes, die het boompje prachtig doen ontbranden.

De kribbe, de heilige beeldjes, de os, ezel tezamen in de stal, mijn verlichte ster schijnt overal!

Dan voel ik even, toch ondanks de hektiek van het leven, een ontspannen en heerlijk gevoel.

Zacht kaarslicht verhoogt de sfeer, een vredig gevoel in mezelf is dat soms het gezochte doel, Pure vrede in ons hart o 'Heer!



## Mensahe di Pasku

Nos por ta orguyoso kon nos pais ta desaroyando. Kòmpiuter (Lap-top i iPad) ku internet, telefon selular (BlackBerry), cable i dish TV, satélite dish ya por ta konta den nos aparatonan doméstiko komo si fuera ta tokante di nos wasmashin nos ta papia. Danki na e sistemanan sofistiká aki di komunikashon nos por komuniká hopi bon ku otro i nos por ta al tanto di tur loke ta pasa rònt mundu. Pero nos ta desaroyando bon?

Laga nos para un ratu ketu. No ta bèrdat ku den nos afan pa modernisá nos medionan pa komuniká ku otro nos a pèrdè kualidatnan humano ku ta importante den relashon pa ku otro? Kualidatnan manera simpatia, amabilidad, kompashon, rèspèt pa dignidat di otro i toleransia. Nos no mester ta científiko ni sosiólogo pa realisá ku prehuisio, hostilidad, inhustisia i intoleransia a prevalesé den hopi gremio di nos komunidad. Señor, nos Dios, lo a spera ku den e aña ku ta kabando ku nos por a hasi muchu mas esfuerso pa apliká loke ta kore manera un liña kòrà den Beibel; esta **"Stima**



**Señor, bo Dios di henter bo kurason, ku henter bo alma, i ku henter bo mente." (Mateo 22:37) i " Stima bo próhimo manera bo ta stima bo mes." (Mateo 22:39).** Ma ya nos a floha na kaminda. Pero nos tin un oportunitat mas! Aña 2012 un aña yen di perspektiva, ...un oportunitat mas. Den e dianan aki ku nos ta prepará pa rekordá nasementu di nos Salvador nos lo por rekordá tambe loke ta klaramente El a splika ku ta su mishon, esta: **"Spiritu di Señor ta riba Mi, p'esei El a skohe MI, pa anunsiá e bon notisia na pobernan. El a manda Mi proklamá libertat pa prezunan; bista pa siegunan; i esnan oprimí, libertat." (Lukas 4:18)**

## E Shete Reglanan di e Gai.

Nunka no bisa ku abo no ta sirbi, pa Dios nos tur ta sirbi (maske no tur pa mesun kos). Si Dios por a usa un simpel gai pa rekuperá un misionero manera Pedro, E por usa abo tambe. Sigui simplemente e 7 reglanan di e gai:

1. E gai ta lanta trempan i inmediatamente e ta kuminsá ku su tarea (ku Dios a konfia na dje).

2. E gai no ta nenga kanta pasobra ta eksistí chuchubi. E ta hasi loke e por, lo mihó ku e sa.

3. E gai ta sigui kantando maske ningun hende ta anim'é ni gradisié. En realidat, e no ta spera ku ningun hende lo hasié.

4. E gai ta lanta esnan ku ta drumi. Su tarea ta impopular, pero nesario.

5. E gai ta proklamá bon notisia: Dia a kaba di habri. Dilanti bo tin un dia nobo pa estrená, yen di oportunitatnan magnífiko.

6. E gai ta fiel kumplidó di su tarea. Bo por konta kuné. Nunka e ta faya. E ta un bewaker ekselente.

7. E gai nunka ta keha di tin di hasi semper mesun kos, di ku ningun hende ta felisit'é òf di ku ningun hende no ta import'é.

Hasi tur kos di hinter boso kurason, komo si fuera ta pa Señor boso ta traha i no pa hende. (Kolosenan 3:23)

